
HEADLINES

۱. ضلع کٹھوعہ مانہہ چل رہا ٹاکرا ما مانہہ ۴ دہشت گرد مارمکایا گیا ہیں تے ۴ حفاظتی اہلکار شہید ہویا ہیں۔
۲. لیفٹیننٹ گورنر منوج سنہا تے وزیر اعلیٰ عمر عبداللہ نے اج ضلع کٹھوعہ مانہہ دہشت گردان سنگ ٹاکرا غے دوران شہید ہویا پولیس جوانان نانہہ خراج عقیدت پیش کیو۔
۳. وزیر خارجہ ایس جیشنکر نے اج لوک سبھا مانہہ کہیو ہ بھارت اپنا پڑوسیاں غی شدت پسند تے تنگ نظر سوچ نانہہ نہیں بدل سکتو۔
۴. نائب وزیر اعلیٰ سریندر چودھری نے اج کہیو کے مرکزی سرکار تے ریاستی سرکار دونے مل غے جموں کشمیر مانہہ مستقل امن نا یقینی بنان خاطر مل غے کم کر رہیا ہیں۔
۵. ریاستی غا جنگلاتی علاقان مانہہ مشتبہ نقل و حرکت غی اطلاع تیں بعد حفاظتی دستاں نے بڑا پیمانہ ور تلاشی مہم شروع کی ہے۔

ENCOUNTER

ضلع کٹھوعہ مانہہ دہشت گردان نے حفاظتی اہلکار شہید ہوا ہیں جدکہ ۴ دہشت گرد وی مار مکا دتا ہیں آکاشوانی غا نامہ نگار غے مطابق ایک پولیس جوان غی لاش ڈرون غی مدد سنگ جھڑپ آلی جگہ دیکھی گئی ہے منیو جارہیو ہے جے یہ دہشت گرد جیش محمد دہشت گرد تنظیم نال وابستہ ہیں جہیڑا جے بین العوامی سرحد توں اس پار آیا ہیں۔ واضع رہ جے ڈرونگی مدد سنگ ۴ دہشت گردان غی لاش غی بازیابی تے علاقہ ناخطرہ تو خالی کرن بارے تلاشی مہم جاری مزید تفصیل غی اجوں اڈیک ہے۔

LG CM TRIBUTES

لیفٹیننٹ گورنر منوج سنہا تے وزیر اعلیٰ عمر عبداللہ نے اج ضلع کٹھوعہ مانہہ دہشت گردان سنگ ٹاکرا غے دوران شہید ہویا پولیس جوانان نانہہ خراج عقیدت پیش کیو۔ ایل جی موصوف نے ان شہیدان غی موت ور دونگا دیکھ گو اظہار کیو ہے تے نال ہی ان غی بہادری نانہہ وی سلام پیش کیو ہے وزیر اعلیٰ عمر عبداللہ نے وی شہید ہویا بلویندر سنگھ جیب جسونت سنگھ تے طارق احمد نانہہ ان غی بہادری تے ملک غی خاطر دتی گئی قربانی نانہہ سلام پیش کیو تے اُن نے کہیو جے ان غی قربانی نانہہ کدے وی پلائیو نی جاسکتو جدکہ زخمیاں غی جلد شفایابی خاطر وی دعا کی۔

RISING STAR

بھارتیہ فوج گا رائزننگ سٹار دستاں نے جموں کشمیر پولیس غا شہید ہویا جوانان نانہہ خراج عقیدت پیش کیو۔ جن نے دہشت گردی مخالف اوپریشن غے دوران بہادری سنگ لڑتاں واں اپنی جان غو نظرانو پیش کیو ہے سماجی میڈیا ور ایک پوسٹ سانجی کرتا واں اُننے شہید ہویا جوانان غا جذبہ ہمت تے لگن غو اعتراف کرتا واں کہیو جے ان غی قربانیاں نانہہ ہمیشہ یاد رکھیو جے غو اُن نے کہیو جے دہشت گردی غے خلاف ان جوانان غی دلیرینہ کوشش قوم غی حفاظت تے سلامتی واسطے غیر پختہ ادارہ غی عکاسی کرے۔

EAM PAKISTAN

وزیر خارجہ ایس جیشنکر نے اج لوک سبھا مانہہ پاکستان تے بانگلہ دیش مانہہ اقلیتاں ور ہون آلا حملان غی مذمت کی۔ اُنہاں نے فروری مانہہ پاکستان مانہہ ہندواں ور ہون آلا ۰۱ حملان غو ذکر کیو جن مانہہ اغوا تے جبری مزہبی تبدیلی غا واقعات شامل تھا۔ ایس جے شنکر نے یوہ دسیو کہ ۴۲۰۲ مانہہ بنگلہ دیش مانہہ ۰۰۴۲ حملہ ہوا جہیڑو ۵۲۰۲ مانہہ کم ہو غے ۲۷ رہ گیا جڈ اُن تیں پوچھیو گیو کہ بھارت سخت اقدام کرے غو۔ تہ اُنہاں نے کہیو بھارت ان معاملات ور قریبی تیں نظر رکھ رہیو ہے لیکن وہ اپنا پڑوسیاں غی شدت پسند تے تنگ نظر سوچ نانہہ نہیں بدل سکتو۔

PM MKB

وزیر اعظم نریندر مودی ملک تے بیرون ملک رہ رہیا بھارتی شہریاں سنگ آئندہ 30 مارچ نانہہ آکا ش وانی ور من کی بات پروگرام مانہہ اپنا خیالات سانجہ کریں گایاہ ماہوار ریڈیو پروگرام غی 120 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علا وہ نریندر مودی ایپ یاہ فر مائی گوو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینہ غی 28 تا ریخ توڑی بی قابل قبول ویں گی۔ یوہ پروگرام آکا ش وانی، دور درشن، اے آئی آر نیوز ویب سائٹ تے نیوز آن انر مو بائل ایپ ور نشر تے ٹیلی کاسٹ کیو جا ئے گو۔ اس توں علا وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جا ئے گو۔ آکا ش وانی اس پروگرام غی ہندی نشریات غے فوراً بعد اس نانہہ علا قائی زبانان مانہہ وی نشر کرے گو۔

DY CM

نائب وزیر اعلیٰ سریندر چودھری نے اج کہیو کے مرکزی سرکار تے ریاستی سرکار دوئے مل غے جموں کشمیر مانہہ مستقل امن نا یقینی بنان خاطر مل غے کم کر رہی ہیں اُن نے خطہ مانہہ دواں سرکاراں توں سکیورٹی نانہہ مضبوط بنان بارے باہمی تعاون ور وی زور دتو۔ اُن نے کہیو جے خطہ مانہہ ترقی واسطے امن تے استحکام ضروری ہے جس ور انتظامیہ جموں کشمیر غی عوام واسطے محفوظ ماحول بنان خاطر پر عزم ہے ان نے مزید بولتاں واں اس طرح کہیو۔

REASI SEARCH OPERATION

ریاسی غا جنگلاتی علاقان مانہہ مشتبہ نقل و حرکت غی اطلاع تیں بعد حفاظتی دستاں نے بڑا پیمانہ ور تلاشی مہم شروع کی ہے یاہ مہم اج سویرے شروع ہوئی تے اس مانہہ کئی یونٹ حصو لے رہیا ہیں جہیڑا گھنہ جنگلاں نانہہ یقینی بنایو جاسکے۔ حکام نے نگرانی نانہہ مزید سخت کردتو ہے تے کسی وی ممکنہ خطرہ غو سراغ پتو لان واسطے مربوط کوشش کر رہیا ہیں۔ مقامی لوکاں تیں اپیل کی گئی ہے کہ چوکا ریں تے کسی وی مشتبہ سرگرمی غی اطلاع قریبی حفاظتی اہلکاراں یا متعلقہ حکام نانہہ دیں۔ اس سلسلہ مانہہ مارا نمائندہ دیویندر ٹھاکر نے اس طرح کہیو۔

NAVRATRI

نوراتری غا تہوار غے مدنظر ماتا ویشنو دیوی شرائین ور کسی وی ناخوشگوار واقع نانہہ ٹال دین واسطے حفاظت گا سخت انتظامات بشمول اے آئی آلا سی سی ٹی وی کیمرہ تے ڈرون نال مدد لی جارہی ہے۔ واضح رہ جے ۹ تہاڑا نوراتری تہوار ۰۳ مارچ توں شروع ہو رہیو ہے جس مانہہ کافی تعداد مانہہ شرعین ور زائرین غی واقع ہے۔

KATRA FLOWER

نوراتری غی پیش نظر کٹرا مانہہ ایک مقامی مسلم خانداناں اس تہوار نانہہ ایک منافع بخش تہوار غی آمد غا طور ور دیکھ رہیو ہے اُن نے اپنا زرعی منصوبہ نانہہ پھولاں غی کاشتکاری آلا کاروبار مانہہ تبدیل کردتو ہے جس مانہہ وے سالانہ ۰۱ لکھ غے لگ بھگ آمدنی حاصل کریں۔ نوراتری غے دوران پھولاں غی بڑھتی مانگ سنگ اُن نے حالیہ براں مانہہ کاشتکاری غی جدید ترین طرح کی اپنائی ہیں مارا آکاشوانی نامہ نگار سنگ شوکت علی جہیڑو پیشہ توں ایک کسان ہے نے گل کرتاں اس طرح کہیو۔

JUMMAH TUL VIDA

رمضان المبارک غا آخری جمعہ الوداع غا موقع ور بڑی تعداد مانہہ لوکاں نے اپنی مقامی مسجد مانہہ اکٹھا ہوئے نماز ادا کی نماز تیں بعد امن خوشحالی تے اتحاد واسطے خصوصی دعا کی فلاحی کمیٹی غا صدر شکیل احمد نے تمام برادریاں توں اس دن غی اہمیت غے مد نظر امن پائی چارو بنائے رکھن ور زور پایو۔ اس موقع ور بولتاں واں اُنہاں نے اس طرح کہیو۔ اس دوران ضلع ترقیاتی کمشنر راجوری ابھیشیق شرما نے جمعہ الوداع تے عید الفطر غی تیاریاں غا جائیزو لیو اس موقع ور بولتاں واں اُنہاں نے اس طرح کہیو۔
